



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

15 b Robertus Pfaltzgraff am Rhein.

**urn:nbn:de:hbz:466:1-41449**

er an vier Pfäl außgestreckt / mit Ochsen riemen geschla-  
gen / siben tag in ein fewrigen Ofen vnnnd Ehrin Ochsen  
gethan / vnd endtlich enthaupt. In seinem leyden ist der  
Heerführer Bacho mit zweyen Kriegsmännern / nemlich  
Callimacho vnd Dionysio / zu Christo befoht / vnnnd auch  
enthaupt worden.

Anno Dñi  
350.

Item zu Aquileia der H. Felicio vnd Fortunati / von  
welchem hernach am 11. tag Brachmonats.

Item des hayligen Bonifacii / Serentinischen Bi-  
schoffs / der vonn kindheit an im leben vnnnd wunderzai-  
chen fürtrefflich geleuchtet. Wann er auß seiner behau-  
fung gieng / kam er oft nackt wider haim / darumb daß  
er auß barmherzigkeit gegen den armen seine kleider auß-  
zog / vnd die nackenden damit bedecket. Auff ein zeit mit-  
thailt er den dürfftigē alles getraid / so sein arme Müt-  
ter het / da er aber sein Mütter darumb betrübt sahe / er-  
langt er durch sein Gebett von Gott mehr getraids / dan  
er zuuor het. Ward darnach Bischoff / vnd verschied endt-  
lich im freiden. Von im schreibt S. Gregorius.

Anno Dñi  
400.  
Lib. 1. Dialog.

b Idibus Maij.

## Der XV. Tag im Mayen.

**G**ut ist inn Hispania der Geburtstag der haili-  
gen Beichtiger Torquati / Tisfontis / Secundi /  
Indalecii / Cecili / Estii / vnd Euphrasij / welche  
zu Rom vonn den hailigen Aposteln zu Bischoffen ge-  
wehet / vnnnd in Hispanien (so damals noch mit Haid-  
nischem Irthumb behaffet war) das Wort GOTTES  
zupredigen geschicket worden. Da sie nun inn manchen

X ij

Städ-



## Matius

Stätten gepredigt/ vnd vnzahlbar vil volcks zum Christlichen Glauben bracht / ist Torquatus zu Accio / Eusephon zu Virgio / Secundus zu Abula / Indalecius zu Brei/ Cecilius zu Heliberti (so jetzt Granata heißt) Esticius zu Carteso/ vnd Euphrasius zu Cliturgo / im freid entschlaffen.

Anno Dñi  
253.

Item in der Insel Chio / des hailigen Marterers Iffidori / von Alexandria geboren / ward zur zeit Decij in gemelter Insel an vier Psäl außgestreckt / mit Riemen geschlagen / an ein Pferd gebunden / durch dornige ditter geschlaiffet / in ein feurigen Ofen gethan / vnd nach dem er durch Göttliche krafft solches alles vberwunden / enthauptet. Inn seiner Kirchen ist ein Bronn (darein man ihn soll geworffen haben) vonn welches wasser die besessenen / sieberigen / vnd andere francke menschen / die es getruncken haben / gesund worden seind.

Item zu Lamofaci das leyden der hailigen Marterer Petri des Jünglings / vnd Andree / Pauli vnd Dionysie der Junckfrawen. Vnder wellichen Petrus vnder Decio nach vilen Martern mit dem Schwert getödt / Andreas vnd Paulus versteinigt / vnd Dionysia enthauptet ward.

Item in Senoner Landschaft / des H. Marterers Sidronis.

Item in Brabant / in dem Dorff Ghele / der hailigen Junckfrawen vnd Marterin Dymyne / welche ein Tochter war des Königs inn Irland. Als ihu Abgöttischer Vatter sie zu einem Weib haben wolt / sie aber inn Christlichem Glauben vnderwisen war / vnd ab disem Laster ein abschewen het / wiche sie hinweg / ward vonn dem hailigen Priester Gereberto getaufft / vnd kam mit ihm in Brabant. Der Vatter aber eylet

sh



ihnach/ durch Antwerp inn Cameracenser Bisthumb/  
vnd enthauptet sie / dardurch sie ein Marterin Christi  
ward. Bey ihrem Grab werden die beschneen vom bösen  
Gaist erledigt.

Anno Dñi  
700.

Item des H. Roberti Herzogs / Pfalzgrafen bey  
Rhein/ vnd Reichthigers.

Item zu Pingua des H. Auctoris.

Item der hailigen Rosule / vnd noch vier Jung-  
frawen.

Item der H. Sophie vonn welcher hernach am er-  
sten tag Heymonats weyter.

Item zu Schwangen des heyligen Marterers Bitti/  
vnd anderer.

Item des H. Bernhardt Canonici Regularis.

Item zu Auern der H. Marterer Casij des Prie-  
sters/ vnd Victoriani mit ihren gesellen/ vnder welchen  
Casius ein jünger war des hailigen Asteomonij ersten  
Bischoffs zu Auern / vnd verharret biß zur zeit Valeria-  
ni vnd Galleni.

Item des H. Epiphanijs Bischoffs zu Costanz/ oder  
Salamina in Cypren / vonn welchem am 11. Monats  
weyter.

An diesem Tag soll die erst Christlich Pfingsten ge-  
wesen / da der hailig Gaist / nach Christi verhaiffung/  
vonn Himmel herab gesandt / vnd die Jünger des

H E R R E N zu Jerusalem reichlich begnadet/

auch vil tausent der Erstglaubigen durch

Sanct Petrum beköhet hat/

Actor. 2.